

**Datum:**20.09.2025.

**Broj:** 02-06-1040

## **INICIJATIVA ZA MONITORING EVROPSKIH INTEGRACIJA: BIH RIZIKUJE GUBITAK DODATNIH 108 MILIONA EURA AKO NE USVOJI REFORMSKU AGENDU**

**Sarajevo, 20. septembar 2024. godine** – Vijeće ministara Bosne i Hercegovine ni na posljednjoj sjednici nije usvojilo Reformsku agendu, čime rizikuje gubitak dodatnih 108 miliona eura. Dok zemlje u regionu već koriste sredstva iz Plana rasta, BiH još nema pristup fondovima jer se domaći političari nisu usaglasili oko teksta Reformske agende. Zbog odugovlačenja je već izgubljeno 108,5 miliona eura, a Evropska unija je upozorila da će sredstva za BiH biti ponovo umanjena u istom iznosu ukoliko dokument ne bude usvojen do kraja septembra 2025. godine.

Zbog toga *Inicijativa za monitoring evropskih integracija Bosne i Hercegovine*, koalicija organizacija civilnog društva, poziva klubove poslanika u Predstavničkom domu Parlamentarne skupštine BiH da zatraže zakazivanje hitne sjednice posvećene evropskom putu države. Na toj sjednici bi se trebalo raspravljati o usvajanju Reformske agende u okviru Plana rasta za Zapadni Balkan i o posljedicama koje njeno neusvajanje proizvodi za građane BiH.

Bosna i Hercegovina je jedina zemlja Zapadnog Balkana koja ni godinu dana nakon isteka roka nije usvojila Program reformi, poznatiji u javnosti kao Reformska agenda, što je već dovelo do značajnog umanjjenja sredstava. Činjenica da ni nakon te sankcije Vijeće ministara nije postiglo saglasnost pokazuje da upozorenja Evropske unije nisu shvaćena ozbiljno i da je potreban dodatni institucionalni angažman i pozivanje na političku odgovornost. Dosadašnje neodgovorno ponašanje nanosi direktnu štetu građanima, dodatno narušava kredibilitet BiH u procesu evropskih integracija i šalje negativan signal investitorima o stabilnosti i predvidivosti zemlje.

Neusvajanje Reformske agende najbolje oslikava zastoj na evropskom putu BiH. Od odobrenja pregovaračkog statusa u martu 2024. godine, nije ispunjen nijedan od ključnih uslova za održavanje prve Međuvladine konferencije između BiH i EU. Na zastoj, ali i nazadovanje u mnogim oblastima ukazuju i izvještaji i zaključci institucija EU doneseni u proteklih godinu dana.

Vijeće ministara nije ozbiljno shvatilo ova upozorenja, zbog čega parlamentarci kao direktno izabrani predstavnici građana BiH moraju pokazati političku odgovornost i iskoristiti svoje nadležnosti. Članice Inicijative pozivaju zastupnike i zastupnice da podrže inicijativu za hitnu sjednicu Predstavničkog doma i obavežu Vijeće ministara na hitno usvajanje Programa reformi, prije isteka roka za usvajanje, odnosno novih sankcija.

**Udruženje za borbu protiv korupcije "Transparency International" u Bosni i Hercegovini**  
Reg. Br. UP08-07-1-616/11, Ministarstvo pravde BiH, Sarajevo

**Sjedište:** Krfska 64e, 78000 Banja Luka, Tel/Fax +387 51 224 521, 216 369, 224520  
**Ispostava:** Zmaja od Bosne 20/1 71000 Sarajevo Tel/Fax +387 33 220 049, 220 047  
**E-mail:** info@ti-bih.org

[ti-bih.org](http://ti-bih.org) | [transparentno.ba](http://transparentno.ba) | [prijavikorupciju.org](http://prijavikorupciju.org)

Evropske integracije su najvažniji vanjskopolitički cilj BiH i zahtijevaju nadstranački pristup. Široka podrška svih poslaničkih klubova bila bi jasan signal odgovornosti i spremnosti za nastavak evropskog puta BiH. Ovo je prilika da Parlamentarna skupština BiH, uoči posjete komesarke Marte Kos, pokaže da ima snagu da vrši nadzor nad izvršnom vlašću i da može usmjeriti reformske procese u interesu građana.

### **Inicijativa za monitoring evropskih integracija BiH**

Članice Inicijative:

Transparency International u BiH

Sarajevski otvoreni centar

Balkanska istraživačka mreža BIH

Centar za istraživačko novinarstvo

Vaša prava BiH

Udruženje građana „Zašto ne“

Helsinški parlament građana Banjaluka

Asocijacija za demokratske inicijative

Udruženje BH Novinari

Centar za mlade KVART

Fondacija CURE

MyRight

Udruženje žena „Napravi razliku“

Trag Fondacija

Oštra nula

Romski informativni centar Kali Sara

Udruženje „Aarhus centar u BiH“

Udruženje „Zemlja djece“

TRIAL International u BiH

Inicijativa mladih za ljudska prava BiH

**Udruženje za borbu protiv korupcije "Transparency International" u Bosni i Hercegovini**  
Reg. Br. UP08-07-1-616/11, Ministarstvo pravde BiH, Sarajevo

**Sjedište:** Krfska 64e, 78000 Banja Luka, Tel/Fax +387 51 224 521, 216 369, 224520  
**Ispostava:** Zmaja od Bosne 20/1 71000 Sarajevo Tel/Fax +387 33 220 049, 220 047  
**E-mail:** [info@ti-bih.org](mailto:info@ti-bih.org)

[ti-bih.org](http://ti-bih.org) | [transparentno.ba](http://transparentno.ba) | [prijavikorupciju.org](http://prijavikorupciju.org)

Vanjskopolitička inicijativa BiH

Udruženje „To PeeR“

Mreža za izgradnju mira

**Udruženje za borbu protiv korupcije “Transparency International” u Bosni i Hercegovini**  
Reg. Br. UP08-07-1-616/11, Ministarstvo pravde BiH, Sarajevo

**Sjedište:** Krfska 64e, 78000 Banja Luka, Tel/Fax +387 51 224 521, 216 369, 224520  
**Ispostava:** Zmaja od Bosne 20/1 71000 Sarajevo Tel/Fax +387 33 220 049, 220 047  
**E-mail:** [info@ti-bih.org](mailto:info@ti-bih.org)

[ti-bih.org](http://ti-bih.org) | [transparentno.ba](http://transparentno.ba) | [prijavikorupciju.org](http://prijavikorupciju.org)